

www.BibleForChildren.org


Matyu 1




Irisabet uh brer akesi treman patin gahan hanen hayop
oh sutporhan dop hayop oh Got oh enser Gebrier
orhornong Gin go Gariri mong Nasaret apteinong
sonmur. Susa kuu horhor Maria uh Depit ohe puh Josep
ohnong ihit sa gosdatipri rim kis mat apapti kuu Maria
uhnong meng potinmur por Got oh ama darhetip oh.



Da trun darhetporhan enser oh We.
Maria go da trun darher kas hatipra.
Got oh go yahnep kuuu rim orhe da
orhor yah nahat napapatri. Orhor
inahat napapat ohoh ihan go brer
ake hama brer mon tit itiprari.
Sarpap brer ohe winhe Jisas
potinri. Ama brer oh hanipyah
winsi han ham tandaptuhutin han win
isipsi han hatiprari.



Hama putei mahat ma pat han Got orhe
brermuro porin han hatiprari. Ihama
rop Depit ohe Isrer ihirnong ohe
hrepnong mar ma paptesuh ohe ap
tan wanin oh oh datiprari. Darpat
Jekop ohe puh ihirnong ohe
hrepnong mar eimatnap
dipdipwi paptoprari. Ohe
hrepnong mar ma paptupra oh na
timbas ham eimatnap orhe hrepnong
mar paptan han hatiprari pongopri.



Potporhan Maria uh Epe. Noh han ihir
tap na pat tei moh noh kinhat brer ake
hama gwe ma napor brer oh itipra
potipri. Potporhan enser oh Es. Got
ohe Yahsup oh gwe mutuhnong
hatporhan putei mahat ma
pat Got ohe kasip oh
gonong
gianahatipramur.



Gianahatporhan ama ohe kasip ohe pe
oh brer tarpatipramur. Tarpama go
itipramur. Gwe ma itipra brer oh
yahnap han ongeng tahat orhorwi
patin ihir wamara moh Got orhe
brer monmur porin brer
itipramur.



Maria uh meng amrama patdapat gahan
Judia mong yei mutuh mongnong kapkapwi
hat ruhupri. Rupat Sekaraia ite gamin ap
oh rosa amup Irisabet
uhnong Uum go patda
por meng potipri.
Potporhan Irisabet
uh amratporhan uhe
brer ma ake mutuh
pat brer oh
tandapurkengopri.



Tandapurketporhan Yahsup oh uhe mutuh oh ruumsan ham isipnap hangopri. Ihpat Maria uhnong akitwi Got ohe bapkei naham ma yah nahapat da oh Maria gonong isipnap bapkei naham yah mat napapatmur. Kat kuu ihirnong imat na apripatmur. Gonongwi imat napin patmur. Gorhornonghe inahat napapatmura; gorhe ma itipra brernonghe bapkeisi mat



orhor papatmur.



Jisas ohe ma itpa oh mamarumur. Sup Maria uh Josep itait sa gosdatipri rim kis mat paptin tap dah na timan patin uh be bokdus brer ake hatipmur. Brer ma ake hatip oh Got ohe Yahsup oh Kuu moh brer ha itinoh dahatporhan brer ake hatipmur. Ake hatporhan imap oh am hama oh Bokdus brer ake hah kuu moh noh ihan kuu moh mandatpora dahatipmur.



Ihat dahatip orhor oh da yah han ohoh ire kintei Noh
kuu moh mandatiprohmur rim
mandahanoh uh amram kas
hamo da er hamo hatipra rim
noh ahar mandatpora
dahatipmur.



Dahapatin Got ohe atamreipti han enser ihir tit kinpitap
mandap oh apris Depit ohe puh go inan uhnong kas
hatipra. Uhe ma ake hatir moh Got ohe
Yahsup oh imtir ohoh ihan uhnong
mandatipra. Datinmur. Uhe brer ma itipra
oh mon tit itipramur. Itporhan oh gure er
da dat namdama gurnong namburinha
hatipramur rim ohe winhe Jisas oh
potinmur ama potip oh.



Gahan Josep oh it masasa enser ohe ma por meng oh
amrama uhnong na mandama datipmur. Darpat ambura
itait gosdat patin orhor na saw hat patin uh
brer mon itipmur. Itporhan Josep oh brer
ohe winhe Jisasmur potipmur.



Jon oh kopen brer gar hat patin Rom ire mong gonsi
ohe hrepnong mat papat kakhan oh Sisa Ogastas oh
Gin Rom nure hrep napapti
kuuhan gur gonsi guragure
nitat tarpatpa apteinong
susa win oh ha
nabrak



matingwemur pora brak
mar aptei aptei ama darhetip oh.



Aptei aptei oh meng darhetporhan kuuhan gonsi ihir Gin
nuranure nitat tarpatpa aptei win ha natingwe daham
iraire nitat tarpatpa
apteinong ama pipa oh.



Josep ohhe Depit ohe puho rim rop Depit ohe tarpatip
aptei Betrehemnong saporu rim Gariri mong Nasaret
aptei mandama ihit gamin
Judia mong Betrehem
apteinong ama
ruhpa oh.



Ma ruhpa oh Maria uhhe itait sa gosdatipri rim kis mat
pati kuu uh brer akesi hat patin orhor win ha natingwe
daham itait ama ruhpa oh.



Rus Betrehem aptei
patin Maria uh brer ake
suma duuptei brer mon
ama itip oh.



Hanip ire ma timapti ap oh hanip bokota tei ohoh uh
brer oh burmakau ire timapti ap ama itip oh. Sarpat
watah tansi parpar mara
burmakau ire den asripti dah
oh ama itip oh.



Maria uh brer ma itip kwitem oh sipsip papti han ihir ap
mutuh ohe kot pe ohom kwitem iraire sipsip ihirnong
ama papinpa oh. Ihir iraire sipsip
ihirnong paptin Hanipyah
orhe enser
tit ire pati
tei oh pitap
hatipmur.



Pitap hatporhan Hanipyah orhe has isip tit ire pati tei
oh gonsi ama has matip oh. Has isip matporhan ihir
ama kas isipnap hatpa oh. Kas
isipnap hatperhan enser oh

We. Gur
kas hatipri.



Nohri gurnong yahnep meng kuuhan gonsi gur
amamnap hatin ohe meng tit napotinmat popripatmur.
Gure amamnap hatin ohe meng oh
mamarumur.



Gin mama kwitem morhor Depit ohe ap mutuh moh
kakdah pati kuuhan gurnong namburipra brer tit
sariyamuro. Oh Got orhor Ihirnong sa
amburipra rim kis mat pat

han
Hanipyah
Krais ohnong
sariyamuro.



Gin gur sus wandeiyaoh burmakau ire den asaripti dah
oh brer oh watah tansi parpar mar it pat hatiprohmuro. It
pathan gur wamara moh arpin ihtin
brer ma hapat



dahatiprohemuro
ama potip oh.



Gipotporhan kapkapwi aw tei mahat ohe enser
ruumsannap ihir pitap ham ohsi tap hat
patingopari. Ihat patima Got ohnong
armi matin



ga oh rimo
hangopari.



Armi matin ga oh rimo ma hatpa oh Puteinap aw tei
mahat ma pat Got oh hassi Got Orhordapat
amam nahat napapat kuuhan gur
manap dasi goshat
patenmuro



rim Got ohnong
armi matin ga oh
ringopari.



Enser ihir meng oh pora it aw teinong
ruhum mandatperhan sipsip papti han ihir
Gin dir Betrehem ap mutuhnong sapera.



Susa Hanipyah ohe gin mama napor
meng oh sus wantipera gosham
kapkapwi angmat pipari. Angmat sus
wandeiyah Mariasi Josep ihit patingopari.



Brer oh burmakau ire den asaripti dahnong
mat saroh patgopri. Pathan ihir wamara
enser ohe ma Ihtin brer tit sarmur ma por
meng oh ihir meng oh kuuhan ihirnong pot
ama phipa oh.



Herot oh mong
kakhan hat patin
Maria uh Jisas
ohnong Betrehem
aptei itipmur.

It patin dakuu han ihir atan
marpatdapat Jerusarem ap
mutuhnong apingopari.



Aprisa Nuhur atan
marpatdapat merum
wamar Juda ire
kakhan tit ita ma
hapat dahama
ihan dir sus

ohe danong ham armi matpera rim
apriyamur. Gin ama itiri brer
oh de tei pat por dahandeingopari.



Potperhan Herot oh atan
marpatdapat ma apdori
dakuu han ihirnong nohe
patnong aprina pongopri.
Potporhan ihir apriperhan
oh brer oh desut itiro
daham ihirnong Gure
merum ma wamtiri oh
desut pat hangwero por
sa ahar dahamtipri.



Dahamar am hapat Noh brer
ohnong sutpora dahama
ihirnong Gin gur
Betrehem apteinong
sonmur. Susa pomat
angmar wamtinmur.
Wamara apris napotinmur.
Napotperhan noh sus ohe
danong ham armi
matipramur pongopri.



Gipotporhan ihir arpin amrama pipari. Sayaoh atan marpatdap merum ma wantiri oh atei patgopri. Ihan merum dimat pipari. Sus wandeiyaoh merum oh ap ohe dason ohot kimirit patgopri. Amam hama ap oh ros wandeiyaoh Maria ihit iman patingopari. Patihan ihir katin takira tongnom ohnong armi matpari.



Armi deipti ire mim apriya erer oh taphoma apdapari.
Ma apdapa oh kwei goro irat gap gapgvesi tomo irat
harheir gwe hatin gapgvesi hano
oh ama han erer oh yan isipsi
mohopti han ohwi apdapari.
Gahan kinpitap mandap oh Got
oh Gur Herot ohe
pat kat ohri it sapri.
Wan mandap kat
sonmur pongopri.
Potporhan ihirarpin
amrama wan
mandap
pipari.



Ihir saperhan gahan Got ohe
atamreipti han enser ihir tit
han tit kinpitap mandap apris
Josep ohnong Go masona.
Herot oh brernong moh
kaimat itpora dahapat
ohoh ihan go brer
imansi Isip mongnong
tandutinmur. Sus atei
patin kaput

noh it aprina
napotipramur pongopri.



Potporhan Josep oh arpin
masasa kwitem hat patin orhor
brer imansi Isip mongnong
pipari. Sus patin gahan
amrayaoh Herot oh
haputmuro ritperhan it
apdapari.





Isip mongdapat ma it apdapa
oh Got ohe meng porishe han
ire han tit ohe mengtei por ma
brak matip meng oh arpin dam
timdipmur. Gipor ma brak
matip oh Nohe brer oh
Isip mong tei patin gin
aprina potporhan Isip
mongdapat



apripramuro por ma brak
matip oh dam timdipmur.




Herot oh na haput patin orhor
dakuu han ihir wan mandap
saperhan oh Epe. Ihir dasuh
naham wan mandap sa piyao
daham heisup hangopri.



Heisup hama ire Nuhur asut
wamtipamur ma ritiri meng oh
dahama Jisas oh brer oh ihtin
san hat ma hapat daham ohe
han ihirnong Gur Betrehem ap
mutuhnong susa brer krismas
yot na birhit pat brero ama ihtin


brer
gonsi



ihirnong
kaimat itinmur.



Betrehem aptei pati brersi;
Betrehem ap kakduup kakduup
aptei ma pati brersi kaimat
itinmur por darhengopri. Jisas
ohnong kaimat itinmat ohe
dasiapruh oh Gur ama aptei brer
ihirong gonsi kaimat itinmur por



darhengopri.



Gahan Herot oh haputporhan
Got ohe atamreipti han enser
ihir tit kinpitap mandap

aprisa Josep ohnong Gin
gwe brer ohnong kaimat

itpora ma dahat pat
han oh haputirmuro.

Ihan brer iman ihitsi
guragur it Isrer

mongnong

sonmur pongopri.



Patin gahan oh amraoh Herot
ohe mon Akereas oh
itap ohe aduup
apitnong hatmuro
ritperhan oh
kas



hatipri. Kas
hatporhan Got oh kinpitap
mandap Go Gariri mongnong sonmur
potporhan Oh susa Nasaret ap mutuhnong sus
patesuhri.



Nasaret aptei ma patesuh
oh rih Got ohe meng
rishe han ire meng oh
Oh Nasaret han
hatipramur rim
ma brak



matpa oh arpin dam
tarpatipmur.



Got oh kakdah han gurnong ruumsan
bopor nahat napapat ohoh ihan oh
Norhe brer tit pokwi oh ire gwemat
adarhetporhan ihir Ohwi inahatin
hatin hanwa
dahayahanoh ama . . .



. . . ihat dahaya han ihir na hapura
nohsi eimat yah hat paten dasi hat
patepriwa daham gure gwemat orhe
brer tit pokwi nohnong
nadarhetipmur.



Rom 3:22,23 Ama kat oh mamarumur. Jisas Kraiss ohe danong ham Ohwi inahatin hatin hanwa dahatperhanwi Got oh Gur yah hat pati bapmur naporpatmur. Juda bapo Juda na hat pati han bapo diradir gonsi Got ohe kintei er hat susa orhe amam nahatin ohe yah danong akap mar ihat saptimur. Diradir tap hat gonsi dir ihat pati ohoh ihan dirnong Gur yah hanmur napotin kat oh tit Juda bap irarhemur. Tit Juda na hat pati han bap irarhemur napotin kat oh yot kathe ti na patmur. Diradir tap hat er hat pati bap dir ohoh ihan tit kat pokwi hat patwimur.

Rom 6:23 Er da hrepdapat hat patim er hat ma sapti han ihirnong er yan ma apripra oh hapura dipwi batbet dar patepri apteinong matipramur. Got orhe damdapat Gin yan timbas be musum yahnep han tit apripora daham ma napripra yah yanhe diradire Hanipyah Jisas Kraiss ohe tapnong hat pati dirnong oh eimat yah hat paten ohe yah yan oh napripramur.



Hibru 9:27 Hanip dire tit dahwi ma hapuriptinong oh dahrenmur. Hanip dir tit dah pokwi hapur saperhan dahanahatin inasi hat pati ohoh ihan Got orhe dahanahatipra tei oh dahanahatipramur.

Epesas 2:8,9 Ama orhe damdapat Yah matpora daham ma namgitip da ohsi namburpatmur. Hanip dirardire kasip hat saya ohe peo yah hat saya ohe peo ama ihat saya ohe pe oh Got oh na namburpatmur. Ohwi inahatin hatin hanwa dahatperhan orhe damdapat Noh ihirnong imat yah mar ambutpora dahapat da ohsi dirnong namburpatmur. Imat dirnong namburpat ohoh ihan dir kinhat diradire yah hat saya ohe pe nambur napapatmur rim armi tahatiprohe. Ihat armi tahatin da oh timbasmur.



Rom 10:9,10 Ihan gur damdapat Got oh Kraiss ohnong arpin pamsuhup han ma hapat dahama atem teimdapat Jisas oh norhe Hanipyahnap hat pat hanmur riyahanoh ama ihat daham giriya han gurnong oh Got oh nambutin han naham nambutipramur. Damdapat Got oh Kraiss ohnong arpin pamsuhup han ma hapat dahatperhan Got oh Gur yah hanmur naporpatmur. Atem teimdapat orhornong dahapti da oh pitap teinong matperhan nambutin inasi naham nambur napapatmur.



Jon 3:16,17 Got oh kakdah han gurnong ruumsan bopor
nahat napapat ohoh ihan oh Norhe brer tit pokwi oh ire
gwemat adarhetporhan ihir Ohwi inahatin hatin hanwa
dahayahanoh ama ihat dahaya han ihir na hapura nohsi
eimat yah hat paten dasi hat patepriwa daham gure
gwemat orhe brer tit pokwi nohnong nadarhetipmur.
Got oh orhe mon nohnong ma nadarhetip oh Kakdah ihir er
hat pati ohoh ihan go susa er han ihirnong sama eimat er
teinong matinmur napor na nadarhetipmur. Go susa
ihirnong amburinmur napor nadarhetipmur.



1 Jon 5:11-13 Got orhe ma naporpat meng oh mamaru hat patmur. Got norhor norhe brer ohe dap teidapat gurnong eimat yah hat paten dasi nahat napapatmur napor dirnong am nahapatmur. Yah hat eimat paten da oh imat napin pat ohoh ihan mon orhe tapnong hat pati bap diroh yah hat eimat paten dasi hat pati bap dirmur. Mon orhe tapnong na hat pati bap ihiroh ama eimat yah hat paten dasi na hat pati bap ihirmur. Monhera. Nohe mama brak mat nasar moh Got orhe brer ohnong Ohwi ihtin han pat ma hapat ma dahapti gurnong brak mat mama nasar ohmur. Ma nasar oh gur Nuhur arpin eimat yah hat paten dasi hat pati ma hapat daham ha am hatingwe rim noh mama brak mat nasar ohmur.



Matyu 1-2; Ruk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Oksapmin NT (opm) © 1992, Wycliffe Bible Translators,
Inc. All rights reserved.

<https://live.bible.is/bible/OPMTBL/MAT/1>

©2025 Bible for Children, Inc.

www.M1914.org

www.bibleforchildren.org

